

續修陝西省通志稿

第八十六册

卷一百六十九

續陝西通志稿卷一百六十九

紀事三

平定口捻一

西漢趙充國陳兵事利害書有云帝王之兵以全取勝是以貴謀而賤戰又曰兵以計爲本故多算勝少算千古用兵之道營平數語盡之矣方有清咸豐同治間東南大盜起當宁皇皇計議趨重江皖楚豫之邦至於西北軍事未嘗不爲未雨之綢繆然經畫多疎委寄失當未有如辦理口捻軍務寡謀失算至於再三者遂致山南一道疊陷重城而河西上郡諸區亦復繹騷殆徧馴且會垣數困三輔頻驚命將出師擾攘歷十年之久而猶未能帖息民生之匱物力之殘至於今日不克復承平之舊嗚呼慘已推原其故滇匪擾川瑛榮建劍梓設防之議而請以福濟督師福濟固非帥

才即以衛漢中其算非失也乃朝廷聽崇實言謂劍門天險賊難北竄不須防守孰知藍郭等逆竟從間道逸入興元此一誤也既而漢南賊勢大張捻亦窺伺商雒多忠勇將精銳之卒一挫之於荆子關再挫之於商南宜可赴援興漢而朝命忽令移屯鄂豫之郊置雄兵於舒緩之地用是興漢並陷兇鋒且及西都此二誤也南山地形蜀近楚遠巴渝之甲捷於襄郢之師使駱文忠當日於中樞詢統將時不以毛震壽李雲麟支吾而即疏舉周達武李輝武其人者總旅遘征即仍以劉蓉將之而用軍法督促北上不使遷延瞻顧興郡未必不全漢中亦何至待援如渴而卒潰敗決裂不可收拾哉乃皆不然春秋責備賢者吾於文忠固不得不歎其千慮之一失此三誤也至於同治五載捻酋入寇大挫我師灞橋之戰湘軍燬焉誤於劉蓉之盡撤東防以禦西寇然其時陝軍亦

實不敷分布而蓉又以其恃才傲物之概氣凌其上頤指其下所用非人狃不肯易朝廷屢申告誠抗弗遵循卒以護惜楚材緩於罷斥釀成喪師辱國之禍失在舉棋不定措注非宜樽俎折衝既莫操決勝千里之算指揮驅策復難爲調護諸將之謀昧多算少算之成謀寡將將兵之大畧是則樞筦計謨視張文成李贊皇有愧焉而其咎不在疆臣闔帥間矣總厥得失備著於篇皤皤營平古今孰尙研兵畧者其得所歸

咸豐十年三月丁丑諭軍機大臣等有人奏陝西興安府屬毗連川楚咸豐六七年有自楚來傳邪教者不一其人隨地變易姓名有秦姓覃姓徐姓等人勸人吃齋念佛夜靜時演諸邪法信從者衆七年秋平利縣訓導史夢熊目擊情形曾經具稟本府經興安府知府林映棠委員查辦拏獲匪徒無幾管押數旬即行釋放未

經嚴辦習教者益無忌憚漸染至漢中府近山數百里比戶皆然  
甄坪廳有段光耀等窩藏匪類搶劫民財暗置器械地方紛紛稟  
報而署同知徐奎並不緝究前遇荒旱徐奎託名賑饑變賣倉穀  
三千餘石約計錢一萬四千串至秋間豐收徧勒民間捐穀六千  
餘石以填官倉復侵吞二千餘石反以半施半賣捐廉填倉稟報  
上憲民間以其縱容教匪侵蝕倉糧形諸謠詠等語良民染習邪  
教例禁綦嚴似此地方官一味姑容必致養癰貽患見在川省賊  
勢蔓延倘與勾結爲害匪細著譚廷襄確切查明嚴拏懲治地方  
官有縱容諱飾諸弊即行嚴參懲辦並將徐奎侵吞倉穀之案一  
併嚴查究辦以儆官邪 己卯署陝西巡撫譚廷襄奏請挑練勇  
八百名派員管帶赴漢中興安一帶防堵川匪奉諭該撫所請挑  
練勇丁八百焉能敷用且一經官手百弊叢生總應民捐民辦寓

禦侮於自衛賊來固不容延玩賊不來亦足以靖奸宄所請派員管帶之處不准行 五月庚戌諭前諭河南等省辦理團練並令順天府府丞毛昶熙回籍督辦因念山東地屬海疆毗連畿輔陝西與川豫接壤均屬緊要自應一律辦理所有應辦事宜即著籍隸山東陝西在京大小官員各就地方情形直抒所見該兩省官紳中有名望夙著練達事務者並著各舉所知候旨派往該官紳等必知共體時艱助兵濟餉不但爲國家保守疆域亦可自衛桑梓實有厚望 壬戌諭前諭陝西等省在京大小官員就地方情形各抒所見籌辦團練事宜並各舉所知候旨派往茲據戶部左侍郎梁瀚奏酌擬辦理章程九條呈覽均屬可行陝西團練即派署巡撫譚廷襄督辦前任陝西陝安道坐補鞏秦階道陳晉恩著發往陝西與見任陝安道張守岱在籍候選知府馬百齡均幫辦

團練事宜按照所擬條款並參酌河南等省章程體察情形妥爲辦理 六月丁丑署陝西巡撫譚廷襄奏請陝省兵馬兼歸巡撫節制奉諭著俟樂斌抵陝與譚廷襄妥爲商酌若各鎮協以下均由巡撫節制其升調缺分兵馬錢糧有無違礙之處一併熟商不可各存意見務期有益地方籌畫妥當會銜具奏 七月癸丑諭據御史梁經先奏陝西刀匪回匪搶劫各案層見疊出該匪巢穴即在蒲富臨渭四邑之交二百餘里一片遼闊並無城池雖渭南之下邽鎮臨潼之關山鎮各設有縣丞職分卑小難資彈壓該縣等又以四邑交界互相推諉以致盜風日熾惟添設縣治庶緝捕責有攸歸下邽之地處四邑之中漢唐皆有縣治關山鎮亦尙有圍牆丞署若割四邑之地於該處改設下邽縣城修築較易而渭南臨潼兩縣丞即可裁撤至修葺城池衙署學校等項前有修華

嶽廟餘銀交商生息可以提取動用等語著譚廷襄察看該處情形是否可行並修築城池等經費有無窒礙之處詳細查明具奏

八月乙酉左副都御史張芾以補行守制請開缺回籍從之

九月辛亥諭樂斌奏遵議陝省各鎮兵馬兼歸巡撫節制一摺前因譚廷襄奏軍興以來徵調防堵多由巡撫籌辦平日無節制之權有事恐呼應不靈擬請量爲變通當經諭令樂斌會同譚廷襄妥商茲據樂斌奏擬請嗣後遇有征勦要務陝西各鎮協官兵均由該撫酌調仍咨總督查照各該營訓練操防亦令該撫就近稽查倘有廢弛及缺額等弊即行會同總督聯銜參辦其武職升遷調補稽覈糧餉等事仍由陝西提督移咨總督辦理若各鎮協將領中有人地不宜之處應令該撫咨商總督提督酌量更調等語所議尙無滯礙均著照所請行至請加提督銜之處著毋庸議



督所議中並無更易故不入兵制

十月辛未諭前諭直隸等省辦

理團練均已次第舉行茲據侍郎梁瀚奏甘肅地方緊要請飭一律辦團並酌保官紳開單呈覽一摺甘肅壤控西陲地方遼闊且與陝西四川毗連見在四川滇匪未清自應一律舉辦團練以靖邊陲所有甘肅省團練事宜即著陝甘總督樂斌督辦並著甘涼道蕭凌蘭丁憂刑部員外郎吳可讀江西候補道楊昇幫辦團練咸豐十一年三月戊戌諭嚴樹森奏請飭張芾選將練兵並兼籌全局一摺據稱江淮捻賊及各種土匪日肆披猖豫省軍務因循疲弊請飭陝甘督撫會同張芾於提鎮各營精選馬步官兵由張芾統帶來豫會辦防勦並募勇訓練等語豫省軍務積弊日深該撫欲改弦更張實屬勇於任事惟陝甘各營兵丁歷年徵調頻仍存營兵數無多該省與河南毗連處所現在需兵防堵若再調撥

必致完善地方益形空虛前已降旨令該撫督辦河南勦匪事宜  
事權既一責無旁貸所有練兵選將事宜著即破除積習實力整  
頓以期日有起色並就河南現有兵力妥籌防勦以副委任本日  
已降諭旨令張芾幫辦陝西團練事宜矣 是日命前任左副都  
御史張芾幫辦陝西團練事宜 庚子諭軍機大臣等瑛棨奏捻  
匪計圖西竄添派官兵前赴商雒擇要駐紮一摺捻匪由老河口  
回竄厚坡李官橋一帶逼近商雒該處隘口紛歧在在與豫境毗  
連亟應擇要防堵著瑛棨即飭所調固原提標官兵及原紮盤頭  
之西寧鎮兵迅赴商南交關不敏統帶同原存防兵妥爲布置如  
該逆西竄逼近陝境尙恐兵力單薄應添派官兵助勦毋令竄越  
至興安府屬之白河平利路通南陽及湖北光化等處亦恐有竄  
匪闖入並著嚴飭陝安鎮及地方官豫爲防範相機堵禦惟該省

地方遼闊官兵勢難處處設防必須聯絡鄉團藉資守助前有旨令張芾幫辦團練瑛棨現署巡撫著即會同張芾趕緊激勵鄉團務令民兵互相保衛俾賊無隙可乘方爲妥善 二月己未諭軍機大臣等前因捻匪竄近河南省城並有乘隙西竄之意諭令毛昶熙嚴樹森嚴密防守要隘堵其西竄本日據勝保奏接據探報捻匪馬賊由北路突入朱仙鎮盤踞其大股已至蘆花岡省城南門曹門宋門均已封閉二月初一日朱仙鎮蘆花岡之賊均向西之中牟新鄭等縣及老河口地方竄逸因而西門亦閉等語前據毛昶熙奏官軍分路迎擊捻匪九戰皆捷已派署總兵成景等由寧江一路鈔追見在賊逼省城勢更猖獗著即督飭帶兵各員奮力追擊儻遷延不進即查明嚴參至中牟新鄭爲山陝門戶見在賊蹤逼近難保不乘間西竄窺伺山陝擾及完善之區譚廷襄

已派兵在潼關商雒等處設防本日復諭令常績撥兵嚴防澤潞一帶著毛昶熙嚴樹森仍遵前旨分派兵勇迎頭截擊痛加勦洗逼令回巢並將西路要隘嚴密扼堵如賊勢西趨即會同山陝防兵合力勦擊毋令蔓延 四月乙亥命在籍左副都御史張芾會同陝西巡撫瑛棨辦理省城防堵 戊寅諭軍機大臣等據瑛棨奏川陝軍務督臣專顧川東逆匪李短搭搭等乘虛分竄川北探聞自梓潼至廣元一帶全無兵練防守陝西漢中府與蜀界毗連雖調派官兵出境嚴防惟賊衆兵單恐川兵追賊北竄逼入陝境請飭福濟酌帶兵官由劍州梓潼馳往迎勦等語前因口逆竄入黔省畢節縣境距川省甚近曾諭令崇實嚴飭地方文武實力堵勦並諭駱秉章抵川後或親往南路或分兵助勦見在李逆又擾及川北梓潼廣元一帶必須嚴密設防以遏北竄福濟著暫緩來

京卽由劍州梓潼馳往防勦該將軍並未帶有兵勇著崇實迅撥官兵交福濟統帶駱秉章計已入川如兵勇可以分撥並著酌量調派以防川北一路福濟到防後卽督軍迎頭截擊將李逆一股迅速掃除毋任竄入陝境又諭瑛榮奏四川賊匪竄陷江油之中壩場派兵防堵陽平關大安鎮並已飭署漢中鎮出境堵禦等語四川賊匪李短搭搭竄撲梓潼縣據瑛榮稱已令署漢中鎮總兵萬福挑兵一千名酌量情形前赴朝天關扼紮並咨經文岱派兵一千名候調見在該匪旣竄至中壩場去陽平關大安鎮較近漢中情形喫緊所派防堵之涼州等營兵是否足敷分布著瑛榮張芾妥爲籌酌並飭令萬福統帶官兵尅日前往朝天關會合川省兵勇實力堵勦其川陝毗連各要隘亦卽嚴飭地方文武督率兵練實力防守毋令匪蹤闌入並著經文岱將備調官兵一千名配

齊軍裝器械認真操練如果情形比前較緊即行派委妥員管帶  
馳往督兵堵勦河南捻匪時圖西竄潼關商維一帶仍須認真防  
堵毋得顧此失彼 五月壬寅諭軍機大臣等前因滇匪擾及川  
北梓潼廣元一帶當諭崇實撥兵交福濟統帶由劍州梓潼馳往  
防勦並著駱秉章酌量分撥兵勇以防川北茲據福濟奏遵旨馳  
往川北請籌調官兵等語藍逆大股圍攻綿州甚爲吃緊並分股  
在潼川各場肆行滋擾潼川之賊又欲分股由太和鎮下竄保寧  
順慶由葫蘆谿劉家塋直撲綿州見在北路德陽羅江綿竹安縣  
小北路樂至鹽亭遂寧太和鎮地方處處有賊非厚集兵力痛加  
勦洗不足遏其兇鋒福濟見須趕緊赴防所調陝西分紮寧羌駐  
守之甘肅官兵五百名帶赴川北尙覺兵力不敷勦辦該將軍見  
已分咨崇實駱秉章各撥兵勇二千名馳往勦辦見在川北情形

吃緊各路兵勇如何勻撥即著崇實如數派赴福濟軍營與所調滿洲官兵一千名協力防勦以清川北一路兼保陝西完善地方毋任將備等藉詞延宕致有貽誤駱秉章計已抵川所帶兵勇數本無多仍著酌量川東川北緩急情形設法兼顧不可稍涉拘泥福濟到防後先就見有兵力節節布置實力堵勦力保陝南川北地方毋任賊匪竄擾 六月辛酉諭前據福濟奏馳往川北勦辦滇匪計此時該將軍已帶兵由劍州梓潼進勦矣本日據崇實奏布置川北防勦情形賊情似難北竄毋須重兵防守並陝兵入川請仍由陝省動撥兵餉等語四川由江油赴陝小徑地勢險阻大路自梓潼即入棧道民皆貧苦無糧可掠劍關一帶皆屬天險但能據險遏截布置周密即可無虞駐防寧羌官兵入川不過數站福濟業已調往著即至劍州一帶扼要堵截其署川北鎮賡良所

調官兵及劍關防勦兵團均由福濟調遣總以力保陝西南路爲要所需軍餉據崇實奏川省庫欸支絀萬難支應福濟此次赴防已由瑛榮籌銀一萬兩應用所有福濟入川應需軍餉一切即由陝西撥解庶使餉項有著瑛榮務須妥速籌撥毋得推諉事竣即由陝西報銷以免牽混 丁丑駱秉章奏藍逆巨股竄踞川北綿州龍安一帶李逆巨股蔓延川南眉州嘉定一帶各號十餘萬零匪所在嘯聚黃淳熙見已陣亡請飭劉嶽昭兵勇仍行赴川奉諭軍機大臣等川省匪勢鴟張兵力未厚官軍統領乏人劉嶽昭見帶兵勇圍攻隨州著官文等體察情形飭令劉嶽昭管帶所部兵勇啟程赴川聽候駱秉章調遣毋稍遲緩 己卯諭軍機大臣等福濟奏馳抵陽平催調川省兵勇請派幫辦軍務籌撥餉需並據瑛榮奏陝兵未能悉數赴川暨遵籌福濟軍餉各等語本日已諭



令崇實將盧又熊勇丁催令迅速前進聽候福濟調遣矣滇匪竄擾中壩窺伺陝省福濟兵力尙單自以力保陝西南路爲要該將軍見已行抵陽平關著即於該處嚴密設防暫緩帶兵赴劍關一帶其黃壩驛等要隘即就見有兵力妥爲布置盧又熊等勇丁應於何處屯紮以扼滇匪窺伺並著妥爲調度俟此項兵到時福濟再行統帶前進福濟所調陝西官兵五百名應需軍餉著瑛棨遵照前旨於該省動撥支應其四川派出兵勇餉糈均由四川省供給以免膠葛前任提督孔廣順著准其調赴防所幫同該將軍辦理防勦事務經文岱控制階文各路未能前赴寧羌有備調官兵八百名著瑛棨張芾飭令迅速赴防即交孔廣順統帶毋庸另行派員福濟所調副將哈連陞等已寄諭樂斌飭令該員等迅速前往矣又諭前據崇實奏川北劍關一帶皆屬天險賊難北竄無須

重兵防守本日據福濟奏藍逆夥黨踞守中壩窺伺陝境其間路徑紛歧可以繞出昭化廣元後路而由雁門壩一帶直達陽平尤爲坦夷無阻設將寧羌防兵全帶赴川萬一賊匪乘虛直擣陽平再由大道分進牽掣我師深恐首尾不能相顧等語福濟見已馳抵陽平關居中調度已諭於陽平嚴密設防暫緩帶兵赴劍關一帶該將軍調已革副將盧又熊儘先都司張萬魁帶鄉勇三千名速赴廣元須俟此項兵勇到齊再行前進著崇實即飭盧又熊等迅速挑募鄉勇即赴廣元聽候福濟調遣勿許遲誤 七月己亥諭軍機大臣等前因福濟奏請調兵勇籌撥餉需並請派幫辦軍務當經諭令福濟俟盧又熊等勇丁到後統帶前進陝兵軍餉由陝支應川勇餉糈由川發給以免膠葛前任提督孔廣順准其調防幫辦固原備調兵八百名由瑛榮等催令赴防交孔廣順管帶

茲據福濟奏川省賊匪竄至劍州元上場等處咨調固原兵一千名及各鎮兵一千名請派經文岱統帶赴寧羌設防即將寧羌大安鎮防兵調赴廣元等處並咨調成都滿洲營兵助勦陝軍糧臺請派陝西糧道移居寧羌管理川省兵餉即歸川北道就近支放各等語川匪竄擾劍州陝省邊防愈形喫重寧羌各要隘防兵自未便調動致令賊匪得以乘虛窺伺所有固原備調兵八百名著瑛榮等迅飭赴防交孔廣順管帶聽候福濟調遣經文岱仍遵前旨無庸前赴寧羌其福濟請調之各鎮兵一千名能否調撥著瑛榮張芾斟酌辦理盧又熊等勇丁三千名見在行抵何處仍著崇實嚴飭速赴廣元毋許遲誤福濟俟此項勇丁到後再由陽平前進相機堵勦至成都滿洲營餘丁閒散昨據全亮奏稱該營兵力單薄難於調派見在應否仍行咨調並著福濟酌辦其陝西四川

兵勇餉糈前已諭令各歸各省支發福濟請派陝西糧道前赴寧  
羌總理陝軍糧臺著瑛榮等酌度派辦川省兵餉即著崇實飭令  
川北道就近管理 丙午時清穆宗即位以成都將軍福濟爲雲貴總督

授崇實成都將軍並接辦川陝交界防堵事宜以駱秉章爲四川  
總督督辦軍務 壬子諭軍機大臣等本日據崇實奏請飭福濟  
專防陝南責成駱秉章辦理四川軍務並陝防兵餉請暫由陝撫  
借撥各一摺駱秉章正在西北勦辦藍逆一股見己身任兼圻責  
無旁貸崇實與駱秉章辦理軍務意見均合著俟駱秉章到任後  
即馳赴川陝交界接辦防堵事宜招募游勇流弊滋多崇實既深  
悉其害到防後即就見有官兵妥爲布置勿令隨營員弁添募川  
勇致令貽害至川省經費支絀亦係實在情形所有防陝兵勇餉  
項即著瑛榮暫行借撥俟軍務稍平仍由川省籌撥歸欸 丙辰

諭軍機大臣等福濟奏提臣傷病舉發所帶官兵應另派員管帶等語前因川匪竄擾劍州陝西喫重經福濟奏明將前任提督孔廣順調防幫辦所有固原備調兵八百名由瑛棨等迅飭赴防即交孔廣順管帶聽候福濟調遣茲據福濟奏稱孔廣順傷病舉發難期速愈前項官兵自應另行派員管帶福濟見已補授雲貴總督陝防已交成都將軍崇實接辦所有固原備調官兵著瑛棨即派員管帶赴防聽候崇實調遣至陝防兵餉急需據福濟奏稱由該撫籌解過銀一萬兩業經支發所餘無幾著瑛棨仍遵前旨由陝借撥俟川省軍務稍平再行籌撥歸欸 八月甲戌諭軍機大臣等安徽捻匪竄撲開封經黃贊湯等督飭兵勇嚴行堵禦該逆即西趨黑塌竄往中牟鄭州滎澤其由朱仙鎮分擾水波蘇橋之匪亦向省西合竄蔓及尉氏之夾河集歇馬營地方該匪於開封

等處並未大受懲創輒行西竄自係垂涎山陝兩省著英桂瑛棨於各該省毗連河南省各要隘嚴密防堵毋令逆匪得以竄入擾及完善 乙未駱秉章奏官軍大破藍逆蹋毀賊營七十餘座川北肅清奉諭駱秉章調度有方深堪嘉尚仍著督飭將士將竄往綿竹一帶之藍逆餘黨乘勝剿洗淨盡勿留餘孽 庚子諭軍機大臣駱秉章奏川北一律肅清崇實可毋庸更赴防所等語藍逆巨股疊經官軍痛勦見竄什邡之李家碾等處川北一帶業已肅清崇實著即赴成都將軍本任毋庸赴防陝南見在雲南軍務未竣著福濟速赴雲貴總督新任毋庸稍遲延福濟所帶陝西防兵即著歸瑛棨調度派委得力將弁前往統帶擇要駐紮以重邊防

按後來一藍逆仍竄入陝境與漢兩府失守秦省大局幾至不可收拾皆此旨逆貽之害也或曰福濟庸懦終恐無濟然使勿竟弛防而統帥未必多可保也

是日賞知府劉蓉三品頂戴署四川布

政使 十一月丙戌諭內閣四川自綿州解圍後藍逆勢益窮蹙  
 餘匪盤踞羅江之畧坪場等處滋擾八月十九日副將唐友耕派  
 隊進攻將畧坪賊營燒毀餘匪會合藍逆餘黨分竄什邡之李家  
 碾崇甯之花園場我軍跟蹤追勦九月初九日總兵胡中和等搶  
 過河岸將馬祖寺一帶賊匪全行勦滅並將范家橋拒匪擊敗追  
 及石羊場斃賊萬餘人殘匪併趨丹稜竄合眉州李逆巨股著駱  
 秉章飭軍進攻盡殄醜類無留餘孽 是日又諭劉蓉呈稱墨緘  
 入仕恐悖禮經四川布政使著毛震壽暫行兼署劉蓉著俟明年  
 正月服闋後由駱秉章即飭赴任

按漢南事者盧又熊毛震壽劉蓉三人也故謹識之

十一月己酉諭據駱秉章奏李逆巨股盤踞眉州松江口等處聯

營百餘里經駱秉章調派各軍由西路進勦連獲大勝了解城圍

徐家沖等處之賊均棄隘潛遁退竄青神辦理尙屬得手著即飭

帶兵各員乘勝進勦又諭駱秉章奏眉州賊黨卯逆由太平場竄合李黨而王周各逆遂分擾銅梁璧山永川大足等縣旋竄合州朱逆旋竄定遠擾近南充岳池廣安各州縣王曹周張各逆亦復陸續竄往道員張由庚所部兵力太單請飭官文等即令劉嶽昭來川等語李逆分股四出竄擾剽疾異常駱秉章兵力不敷勦辦自係實在情形著官文李續宜即飭劉嶽昭率所部趕緊赴川交駱秉章分撥勦辦迅掃逆氛

按駱督此疏即為藍李各逆北竄漢南留地步而朝旨似尚未諭其

也意

同治元年正月辛卯駱秉章奏官軍克復丹稜藍逆授首見在移兵進擣青神奉諭駱秉章自入川境後疊次獲勝茲據詳陳逆首藍潮鼎經兵勇叢矛刺斃藍潮柱率衆逸出復經彰明江油石泉等縣團練陸續搜斬所存只二百餘人已遁出金光洞砂窩子萬



山積雪之中訾洪發殘匪千餘逃至富順隆昌等處軍械全無經該督派團洗勦計日可期就殲勦辦殊快人意諒藍訾二逆餘匪各處團練必能悉數殲除其謝寡婦等匪未知是否已在誅數抑或與訾逆一併逃竄從前川楚教匪滋事往往因官軍追勦緊逼遁入萬山之中逾時復出此時李逆尙踞青神內乏食而外無援自應移得勝之師前往進勦不至爲殘敗餘匪牽掣第恐深山密箐該官員紳練或憚於搜捕實非除惡務盡之道著駱秉章嚴飭各府縣官紳實力搜捕淨盡不可畏難苟安見在各省地方頗多糜爛即山陝完善之區亦屬勢等厝薪必須得人而理方能消患未萌但人才難得其守潔才優堪稱循吏者已屬寥寥而山陝等省兼須知兵大吏整頓營伍爲未雨綢繆之計駱秉章久任封圻老成宿望中外共知其幕友左宗棠劉蓉次第超擢前日所保之

道員韓超已簡放貴州巡撫該督平日所知堪勝封疆藩臬者尙不乏人著即開單具奏不必拘定資格官階均可酌保候旨錄用當此需才孔亟亦不能盡得全材該督所保之員總以知兵爲上循吏次之不妨將其所長何處所短何事詳細註明庶不至用違其才該督爲朕股肱心膂之臣諒必樂於薦賢斷不肯以無員可保一奏塞責也 丁酉諭議政王軍機大臣等有人奏捻匪肆逆窺伺山陝山西巡撫英桂陝西巡撫瑛榮先後曾任河南巡撫勦辦捻匪迄無成效深恐威望旣損再三貽誤請另簡兼有才望之大員委任等語捻蹤出沒靡常山陝完善之區地方富厚久爲逆匪垂涎英桂瑛榮先後曾任河南勦捻迄無成效今又調任秦晉地屬膏腴久爲賊所覬覦而該撫等威望不足以鎮之原奏各情良非過慮惟該撫等受皇考知遇之恩簡任封圻有年朕亦豈肯

遽予罷斥英桂瑛榮惟當振刷精神力圖報稱於各該省防堵事宜實心講求遴選員弁分赴各要隘認真防守毋令匪徒闖入方爲不負委任陝西兵尙可用訓練不容稍緩山西兵素不得力英桂惟當簡練整頓力求自強豈可苟安姑待儻陽奉陰違視防堵爲奉行故事一經賊氛擾及毫無布置任賊縱橫旁竄朕惟知執法嚴懲非僅予罷斥所能了事也 丁未諭托明阿等奏

托明阿  
時爲西

安將

川匪竄擾喬莊見飭總兵阿揚阿親督標兵相機堵剿等語

四川丹稜股匪前經官軍進剿將首逆藍潮鼎殲斃尙有藍潮柱訾洪發謝寡婦諸逆竄往浦江等處見在謝寡婦等匪竄近陝邊亟應迅速殲除俾免滋蔓著托明阿等飛飭該總兵嚴密防剿張芾亦須激勵鄉團會同官軍竭力守禦不可有名無實致令該匪闖入漢中完善地方並著駱秉章調派得力將弁繞出賊前會同

該地方官督率紳練盡力洗勦務將竄近陝邊各股匪徒搜捕淨盡勿留餘孽至托明阿等所稱商雒潼關等處防堵均關緊要奉調官兵勢難如數調撥自係實在情形即著照該將軍等所擬辦理 二月乙丑諭扈捻大股經僧格林沁督帶馬隊會合鄭元善毛昶熙兵勇痛加勦洗疊獲大勝該逆糾合餘黨向通許一帶西竄因恐擣其老巢欲由豫省竄入陝疆另圖巢穴見雖被創奔逸而蹤迹飄忽日向西趨僧格林沁馬隊無多見雖追賊西至通許又須兼顧東省曹單一帶設賊勢日趨關陝恐僧格林沁一軍未能捨豫東兵防悉力窮追所有陝省毗連豫疆之潼關商雒各隘口自應早爲設防以資堵禦著瑛榮調派兵勇嚴密堵扼並著張芾聯絡鄉團以助聲勢儻遇該匪竄至即行會合截擊毋令竄入邊境至石達開股匪業已逼近川境駱秉章見催黔楚各軍入川

繞截該逆蹤迹飄忽恐因川楚各軍堵勦嚴密折向陝境老林致  
勦捕又形費手著瑛棨張芾於興安定遠兩府廳境內毗連川東  
各要隘嚴密設防妥爲籌布毋得以賊蹤尙遠稍存大意 是日  
以四川按察使毛震壽爲陝西布政使 三月己酉諭據英桂奏  
大股皖捻由陳州竄入洛陽新安澠池一帶地方鄰近連城鹽池  
地關重要復據瑛棨等奏匪蹤西竄逼近陝州地方去潼關甚近  
情形喫重並川匪意圖北竄籌防漢中各等語河南匪蹤飄忽已  
由洛陽新安澠池漸逼晉境茅津渡係由豫入晉門戶英桂已派  
護總兵和昌帶兵駐紮至潼關爲陝省邊防重地必須厚集兵力  
以控制全陝門戶著瑛棨即飭帶兵各員依險據要嚴密堵遏並  
與山西駐防官兵聲勢聯絡以期有備無患潼關有險可扼斷不  
可令匪蹤竄入其商雒防所文武著飭令認真操防並令各地方

於關津要隘一體盤查勸諭民團竭力協守至川匪北竄勢甚鴟張我兵行抵風水嶺接仗失利亟宜添兵堵禦孔廣順計已行抵漢中著即體察情形妥為布置如匪蹤北趨即督飭在防兵勇迎頭截擊並飭地方官紳激勵民團協同防禦張芾當體察潼關商維何路緊急即親往籌辦以衛地方其陝南防兵失利情形並著

瑛榮查明參奏

南鄭縣志同治元年三月川匪鄧天王寇漢中踞

回南鄭知縣周蕃壽率募勇數百往禦與賊遇於沔縣之元墩少

兵多子為先鋒吾為後應一鼓可平也遂撲之賊分兩翼而下勇

口紅花河等處皆敗鄧遂踞青石關

四月甲寅瑛榮張芾奏河

南另股捻匪由內鄉縣乘間衝入富水關見已圍逼商南縣城並商州龍駒寨及四道嶺武關一帶均有賊踪經將調赴潼關等處防兵一併撤回並添募勁勇前赴商南商州堵禦奉諭孔廣順見

在馳往商州著即督率各軍迎頭擊勦毋令竄入腹地官文見派何紹彩統率四營由宜昌赴襄棗楚北防務諒可無虞該省鄖陽府毗連陝省去商雒尙不甚遠著官文飭該鎮帶得力兵弁迅赴商州等處會同孔廣順併力擊勦瑛榮仍就見有兵力相機策應並著張芾前赴商雒激勵民團以爲官軍後路聲援前由該省調赴豫省防河官兵馬隊五百名著鄭元善迅飭回陝聽孔廣順調度並另行揀派豫省得力兵勇赴往商南會合陝兵前後夾擊以期力解城圍 丁巳諭前令孔廣順就近督軍勦擊著即會同河南派出之楊飛熊徐榮柱等軍兩面夾擊瑛榮張芾仍遵前旨各派兵團相機策應爲孔廣順後路聲援官文等前派何紹彩統率四營迅赴商州著即嚴催前進與陝西河南兵勇三面兜勦鄭元善即飛飭楊飛熊徐榮柱等督兵出境會同陝西防兵務將竄陝

擒匪截其歸路聚而殲旃 癸亥托明阿瑛榮孔廣順烏蘭都張  
芾奏賊匪於三月十九二十等日連次攻撲商南縣城經該處防  
軍開放槍礮斃賊多名並生擒長髮數賊訊係口匪由廬州走新  
蔡南陽等處窺伺陝境賊首係偽啟王等語該逆見城守甚嚴未  
能得手遂取道西竄圍攻商州經知州曹熙等督率紳民極力守  
禦適臣孔廣順統帶兵勇趕到城圍遂解見分竄孝義廳屬之蔡  
玉窩葛牌鎮等處且聞尙有續來股匪見已挑選滿營精壯馬隊  
四百名由臣烏蘭都統帶前往尹家衛屯紮一面飭催各路官兵  
馳赴大營由臣孔廣順督率痛加勦洗河南府一帶擒匪竄擾永  
甯宜陽等處潼關已在喫緊業經行知該道協先就見有兵力妥  
爲防範惟探得豫省撫臣督帶大兵駐紮汝州又派馬步數千由  
河南府尾追賊無歸路必致愈向西竄若與前股糾合滋擾其禍



何堪設想相應請旨飭下河南撫臣鄭元善嚴飭帶兵副將楊飛熊督帶馬隊繞出賊前由西面迎頭截勦東路有鄭元善大兵堵禦兩路夾攻不難一鼓殲除諭議政王軍機大臣等孔廣順見抵商州即著責成調度妥爲堵遏捻逆竄擾永甯宜陽等處距潼關不遠該處原設防兵前已調赴商南見在是否可以酌量調回何丙勳年踰七旬所帶撫標兵一千名是否足資堵禦該撫等務當破除情面嚴覈功罪設有疏虞被匪闖入必將該撫等重治其罪孔廣順帶兵久著聲威著鄭元善即飭楊飛熊督帶馬隊各軍繞出賊前迎頭截擊川匪鄧天王一股竄至南鄭縣屬新集一帶該鎮道節節退守任賊東竄直至逼近漢中郡城殊屬可惡著瑛棨嚴飭該鎮道等將前調陝安鎮兵一千名催令前往竭力攻勦儻漢中有失必將該鎮道等軍法從事哈連陞己簡放漢中鎮總兵

著即飭迅速赴任責令認真堵勦駱秉章前在湖南援勦鄰省毫無歧視著傳諭毛震壽統帶得力兵勇一千名兼程赴陝於行抵

漢中後相機勦辦該處鎮道防兵統歸調遣南鄭縣志咸豐十一年駱秉章由湖南巡

撫調督四川命將勦川北諸匪故鄧藍郭等賊相繼竄至漢中又云毛震壽到漢中駐紮月餘並未接戰意圖赴任官紳留之不可

行次寶鷄接奉廷寄總統漢南諸軍是日子陝西陣亡遊擊張鎮

遠祭葬世職 己巳諭潼關與晉省僅隔一河蒲州平陽及絳吉

隰三州所屬沿河地方防務緊要著飭實力防堵至盧氏嵩縣匪

股亦難保不回竄洛陽窺伺秦晉並著瑛榮張芾督飭兵團將潼

關防務加意布置其竄擾孝義廳股匪即著孔廣順並瑛榮所派

各軍嚴密堵勦見據駱秉章奏川北敗匪竄至陝境寧羗州僅止

八九百人何以陝省防兵遽行敗退致令越過陽平關殊堪痛恨

該匪此時已由小徑繞過寧羗州竄至大安驛駱秉章見飭營官

蕭積恭管帶楚勇五百名越境窮追著瑛榮即飭漢中帶兵文武會合川兵前後夾擊以期及早殲除毋得再事因循 庚午諭瑛榮等奏鎮安孝義相繼失守請添調豫晉兵勇會勦一摺見在該匪盤踞孝義一帶後股復由商州棣花竄向山陽縣另股仍在商州之白陽店肆擾山內溝岔繁多逆衆狡詐百出難保不窺伺平原孔廣順移兵藍田縣分別防勦著該提督嚴飭將弁堵勦兼施毋令分竄孝義距省垣不遠根本重地尤應先事豫防著瑛榮會同托明阿將城中防守事宜嚴密布置張芾亦即激勵附近省城各縣團練協同官兵嚴防各隘口毋稍鬆懈陝省馬步官兵節經調赴他省該省營伍空虛著鄭元善將調赴防河馬隊五百名迅飭馳回關陝以厚兵力其竄入南鄭縣新集之賊經該縣知縣周蕃壽督勇進勦焚燒賊巢該匪驚潰向東南竄出陽平關一帶均

已肅清惟寧羗州等處逼近川北川省勦辦得手則陝省更覺喫重著駱秉章即飭蕭積恭督帶楚勇併力窮追並催毛震壽尅日帶兵起程速赴新任陝省軍情緊急該督素顧大局諒能隨時策應毋俟諄諄告誡也是日子陝西陣亡參將承保祭葬世職 辛未諭陝西兵力本不足恃歷年調赴河南等處軍營本省防兵更形空虛此次逆匪竄入陝境剽悍異常見在竄至大峪口等處已近咸寧縣界無險可扼情形喫緊甚屬可慮而另股分圍雒南等處計甚狡詐非捻逆之志在擄掠者比設省城稍有疏虞則建瓴之勢豫晉楚北均受其害官文等諒已飭令鄖陽防兵前往助勦著即催令由襄樊荆子關一帶無分晝夜星馳入陝繞前迎擊其襄樊等處如有防兵可以抽調即派道員金國琛統帶一併前進以期移緩就急保全完善馬德昭已經由陝赴任此時諒可抵甘

陝省爲沈兆霖兼轄之地該署督向來辦事不分畛域如馬德昭業已到任即飭挑選精兵二三千名赴陝會勦所有援兵到後均由孔廣順督率攻勦藍田爲西安門戶即著妥爲督勦毋任竄入瑛榮會同托明阿嚴守省垣申明賞罰激勵人心以期衆志成城不得專待援兵藉詞推諉張芾亦當招集團練協同固守毋稍疏懈 丙子諭瑛榮等前奏逆匪竄徧省城次股逆匪在商州白楊店焚掠勢甚危緊數日以來未見續行奏報塵念實深孔廣順移紮藍田能否堵扼省垣守備若何著即迅速馳奏陝省軍情緊急官文等辦事向來能顧大局著即飛飭鄖陽及何紹彩軍星夜赴援並著鄭元善速飭楊飛熊軍越境會勦其徐榮柱之兵著一併飛催前進期與陝省之兵前後堵擊痛殄逆氛陝省兵力雖不甚厚而鄂豫兩省之兵赴援最爲切近若能迅速趕到與孔廣順併

力勦擊瑛榮等督飭地方戰守兼籌自可不致任賊猖獗危關隴思

治元城年正月口匪鄧天王以數千人復擾陝漢中屬寧羌股攻

陷萬洋縣是月既望三口逆偽扶日陳得才偽令王廬富城走士民

殉難者無州初藍田隨鎮子安縣直守橋南尹家衛西副都統才

烏蘭傷兵滿州并各營兵與賊戰於紅溝岸不戰而潰將阿散後隊身

受重傷兵士陣亡者甚夥滿洲馬步隊各兵敗績而潰將阿散後隊身

經以張致龍驤皆自中槍不死各糧州縣十六日民團接仗瑛公榮等多團請陝陳甘

制軍沈公兆霖撥兵三千交甘肅提督馬德隴統帶赴陝助剿並

東華各錄諭事見謂逆匪東華錄惟所大裕口之語頗子相歧異又思危垣與

陝西協勦 丁丑河南巡撫鄭元善奏河洛捻股經官軍擊勦大

勝賊匪向東南奔河洛已無賊踪見在楊飛熊一軍勦辦豫賊喫

緊未能赴陝已另撥兵勇千名遴委得力將弁會合陝兵扼勦口

續來函通示高 卷一百六十一 紀事三

匪並與晉省防兵互爲聲援奉諭楊飛熊一軍旣不能入陝所派前赴閩鄉之兵係屬何人統帶能否得力未據聲明該省帶兵將領如巴揚阿圖塔給等均稱得力即著酌量調派此外添調赴陝助勦之兵亦必妥派得力大員管帶總期迅速戡事不可苟且遷延 是日又撥京營練兵一千三百名赴陝西助勦 己卯官文嚴樹森奏口逆竄入武關秦中外險已失商州四通八達西可至藍田東北可繞潼關之後直至華陰正北則由小秦嶺而達渭南縣一渡渭河即與同州府所屬處處毗連且豫省大股皖捻自竄擾宜陽縣後西趨永甯盧氏逾熊耳山即入陝西雒南縣界可以直趨渭南縣是潼關雖險已成贅疣臣等以目下形勢論之不慮竄商南之口逆合皖捻南趨轉慮犯雒南之皖捻會口賊西竄况口逆僞扶王僞遵王僞齊王等皆著名老賊兇悍異常非尋常皖

擒志在擄掠者可比一經深入不特腹地遭其蹂躪即陝西省城亦必震動近又聞皖擒劉大淵一股已由陳州周口陸續西向若爲此股後繼者陝省二百餘年未見兵革茲驟遭口擒之患民不知兵兵不習戰顛沛流離固所不免而陝西爲財賦之邦西同鳳三府又爲菁華會萃近年用兵各省皆藉陝省協餉聊以支持即京餉鉅欸亦多取於此大局所關誠非淺鮮刻下鄭元善駐師許州派軍繞扼西北跟蹤追擊若不能繞出賊前即成尾追之勢追之愈急入之愈深賊蹤所過村市爲墟臣等晝夜焦思計惟先行驅賊出關然後會合夾擊以保完善惟楚邊不靖三面傳烽兵以分而見單賊以聚而益衆豫省光息正陽信羅桐泌等處徧地捻氛橫亘千數百里處處與楚接壤見在道員梁作楫率五營駐麻城之兩路口副將周鳳山率四營駐孝感之三里城道員歐陽正



埔率八營分駐德隨安襄鄖荆道金國琛率六營駐襄陽分守要隘策應各路一經撤動賊必伺隙交乘見在襄棗防務稍鬆臣等已飭總兵何紹彩四營馳赴鄖陽先行相度地勢扼守要隘一面探明賊蹤所向拔營前進會合陝豫官兵相機夾擊惟期合力截勦驅賊出關勿令流毒完善以仰副朝廷旣念西陲至意李續燾所募勇丁臣等已飛札催調一俟來鄂即當竭湊行糧催令迅速赴豫歸鄭元善調遣藉資得力奉諭見在陝省自孝義鎮安失陷後匪蹤距省止數十里旬日以來未據瑛榮等馳奏軍情益深焦急何紹彩計已行抵鄖陽著即嚴催該總兵督率所部星速赴援出境夾擊並著官文等酌派金國琛抽調防兵分馳赴陝以期驅賊出關保全完善該大臣等既知近年用兵各省皆藉陝省協餉即京餉亦取盈於此大局甚有關係急宜不分畛域設法救援該

大臣素來公忠體國諒不至以邊境未清調派一軍遂謂塞責了事也 庚辰諭瑛榮妥辦陝西漢回團防

按是時回漢械鬪事此朝已有所聞故特降此

諭

辛巳托明阿瑛榮等奏賊偏省垣疊經兵團截擊回竄藍田見在追勦奉諭此股逆匪自孝義鎮安竄逼陝省雖經兩次截擊竄走距省尙不甚遠即商維續來股匪亦未大加懲創均難保不伺隙回竄孔廣順由藍田督兵追勦著即趕緊將渭南大股竄匪力圖殄滅托明阿瑛榮防守省城不得稍形懈弛並飭各地方文武齊集兵團悉力守禦毋令賊得乘間回撲省垣渭南偏近渭河如偷濟咸陽古渡擾及蒲同一帶膏腴亦不可不豫爲防範張芾有統帶鄉團之責據瑛榮等奏各路民團助戰甚爲得力深堪嘉獎著即乘機激勵並會同地方官紳扼要堵勦協同官軍務使賊匪不得肆擾保全完善舒保多隆阿皆係楚之驍將陝省軍情如

此喫緊非有勁兵名將難冀保全著官文會商曾國藩於多隆阿

舒保二員中酌量何員為最宜即一面奏聞一面派令率其所部

星速入陝多隆阿如能前往其所留皖省之兵勇即著交李續宜

統帶至川匪見由洋縣西鄉城固回竄南鄭陝西係沈兆霖兼轄

著速飭馬德昭挑選精兵二三千名赴陝行抵漢中相機督勦並

著駱秉章催令毛震壽帶兵繞出賊前與本省官兵會合勦辦瑛

榮張芾仍督率地方官紳將紛竄各屬之零星股匪隨時勦擊毋

或遷延坐待援師由平定關隘商州南義一另股由南陽順

將軍南入南山全陝俱震維時陝兵多赴調未歸巡撫瑛暨西安

參將阿揚地遊擊孟柏領撫標城守營及寧夏各兵從尹家衛

張鷗飛守備梁元倉巡檢魏榮封軍功縣丞衙人胡茂義尹家衛

以助四月十八日戰於三兆身有斬擒賊卒傷亡亦多孔廣順張

以鵬飛等民團始克收隊賊亦未敢進追十餘里後九日賊從繼杜至曲入團犯齊

賊奮由斬尹執家衛賊夜首竄一名田並署長知髮短髮五元十率餘名揭到守偽官軍數亦張探久蹤之

入追雜勦南二署二南日知賊縣竄張國鈞渭會南同交界守之遊厚擊子烏鎮納續什到率另弁股兵逆解匪城竄

漢園中生賊鄧長髮老賊唐漢中登經娃漢錢中得鎮道二派兵賊向擊陣南斬去斃時約又數有

全百特名鄉餘團賊而仍各欲處西紛竄紛一請時援衆茫無以應瑛之等會銜據城守請勦催辦各則

敗兵於赴二援十故二日是由月良辛田已坡之進撲至該城二近四日南失經守厚知子縣曹團士練鶴擊

五並日其由妻萬氏同來時撲殉營進民團之陳茂經往陳方茂至紀張龍驤該張新於緒二魏十

至榮封軍等奮九力擊退人不及日衆復至分勇一接雖仗民略勝而該驍逆健大斃股賊踵

隨數潼百縣而知賊縣定繆樹叢本派陳軍茂功經安龍驤並團其勇子接新緒河皆北中團槍總須命適

定趙邦權亦中力軍竭功馮陣亡該逆亦見率鄉團於精北銳即遙為聲晚悉賊數收至華回州城之安

赤水知州濶賊又帶東竄華往陰縣而華別股廟已州城陷州城以收復及是日

官文奏多隆阿一軍素稱勁旅自去秋至今連克桐舒廬郡其勇

續文阿自去秋至今連克桐舒廬郡其勇

畧實出諸軍之上紀律嚴明兵民愛戴聲威所至羣賊膽寒且多隆阿秉性剛直決策神奇若使之受制於人遇事或有掣肘轉無以盡其設施臣之愚見應令自成一軍以專責成而收實效此後多隆阿一軍應如何調撥征勦容臣與曾國藩等細察賊勢妥爲籌商再行奏請訓示遵行又稱廬郡克復陳逆四眼狗逃赴壽州狡計百出或聯捻匪以北犯或糾口黨以東趨亟應覘其所向設計截勦又竄赴陝西一股如係該逆所使必接踵西奔多隆阿率得勝之師分道躡追或可殲厥渠魁不致蔓延爲患奉諭據官文奏多隆阿謀勇兼優足當專面見在克廬之後如可派往陝西更爲得力仍著官文咨商曾國藩酌辦 五月癸未諭鄭元善迅速探明如楚軍尙未入陝即飭楊飛熊星速入陝勿徒以扼要爲詞致同株守又諭本日據托明阿等奏商州棣花鎮之賊分竄雒南

山陽雒南雖已解圍山陽城池被陷請飭催楚豫援兵等語山陽與鄖陽連界若何紹彩所部就近進勦最爲便捷即著官文等催令前往毋許遲誤多隆阿自克復廬郡後淮南無事可辦著酌帶所部迅速馳赴陝省督辦軍務總兵雷正綰見在該將軍營中即著帶同前往漢中竄匪未滅而兵勇頗多著駱秉章迅催毛震壽帶兵前赴漢中總統諸軍迅掃賊氛毋再延緩諒該大臣等公忠素著必能權衡緩急用慰西顧之憂 壬辰托明阿等奏賊匪東趨渭南縣城失守潼關喫緊請催金國琛何紹彩兩軍赴陝奉諭賊匪竄入渭南縣境團勇接仗失利縣城被陷並將華州城池攻陷見在該逆已竄至華陰廟距潼關不及四十里潼關爲全陝咽喉勢居扼要托明阿等見將河南撤回馬隊截留該處並將潼關以東防兵調赴關門助守著即飭令在防文武固守待援毋令賊

匪竄踞其渭河以北各州縣已將渡船撤盡沿河列戍民團勢頗  
聯絡惟同州一帶回民見復聚衆乘機焚掠漢民受害者憤起紛  
爭外侮未靖而漢回又復尋仇互殺實係腹心巨患著瑛榮張芾  
即飭見派之回漢官紳速行馳往曉諭解散儻始終抗違即將起  
事焚掠之回匪嚴拏懲辦至山陽股匪屯聚萬餘難保不北竄平  
原腹地與華陰一股合併孔廣順兵勇較單見已將商南閻不敏  
之兵移紮藍田縣屬之秦嶺等處著相度機宜嚴加布置徐榮柱  
一軍迅飭駐紮商州劉嶺與陝省兵勇夾擊何紹彩一軍催由荆  
子關入陝繞出賊北由商州前進兩路夾擊使郢西之賊不至併  
歸山陽並著多隆阿率同雷正綰督帶所部星速拔營入陝馳赴  
潼關一帶迎頭截擊漢南賊匪見由牟家壩至青石關距川省通  
江甚近此股敗匪爲數無多即著瑛榮等飭令地方文武會同川

省所派楚軍就地殲除毋令復竄川境此按鄧天王一謂股匪衆尚多

之一援而撤山福濟之防不再誤待楚軍是日予陝西陣亡渭南縣知縣

曹士鶴祭葬世職建祠王平定口春偽紀略王口賴汝沈偽王啓王梁才偽富

偽主將馬融和等均為偽英王陳玉成羽士鶴前由河南邊界賊衆

兵單縣城於四月二十日失守曹士鶴手刃被圍甚急南向其

搭援由陝境咸豐九年陽雲南昭通府有倡亂蹂躪全川順李短搭

藍川大省順一剿股踞洋搭縣並陷佛坪廳藍二順一股兄弟分州山陽入陝至西

定是與口匪紀陳所得才較關隴紀略稍詳故附錄於此又口匪紀略述

甚陳藍各逆情形亦丙申英桂奏逆匪連日攻撲潼關未能肆志

由南山小路竄入河南閩鄉縣境見由閩鄉靈寶竄至陝州奉諭

數日以來未據陝省續報軍情其華陰廟之賊是否撲擾潼關由

關竄閩之賊係屬何股華陰山陽有無賊蹤見在陝西境內之賊

續來兩直云竄



尚有幾股何處尚為賊踞著托明阿瑛榮孔廣順張芾詳細馳奏

秦中之賊已由潼關東走豫境恐未全遁孔廣順督兵追勦見在

何處瑛榮當飭各地兵團嚴防毋令東賊回竄漢南賊匪竄青石

關後情形如何仍飭文武會同川省所派楚軍就地殲除平定關隴紀略

另股匪自雒南被剿後竄至山陽旋經失陷知縣恆春未知石  
落該匪遂踞城內無兵往剿而漢南川匪又由牟家壩竄至青石

關漢中防剿之兵亦不能回顧省城 丁酉命荊州將軍多隆阿督辦陝西軍務諭

議政王軍機大臣等官文多隆阿所籌援陝之策深以兵力未厚

為慮見在廬州已克狗逆就擒東征大兵雲集已成破竹之勢而

關中形勢最要秦隴猶為完善之區多隆阿統率馬步各軍萬餘

尅日兼程赴陝援勦洵能權衡緩急顧全大局本日業經明發諭

旨命多隆阿督辦陝西軍務全陝官軍旗綠各營提鎮道府以下

統歸節制矣多隆阿忠勇樸誠戰功卓著茲率得勝之師星馳援

陝定能所到克捷痛殲醜類保全關陝完善地方所需口糧雖由官文等籌備起程仍著瑛棨英桂於山陝兩省迅速豫爲寬籌探明多隆阿大營源源解濟以資飽騰而利征勦鄂省襄鄖防勦與何紹彩等軍仍著官文等飭令相時進止 己亥托明阿等奏口匪攻撲潼關官軍內外勦擊疊獲勝仗立解城圍奉諭多隆阿見在督兵前進著即沿河西上先將河南閩鄉一帶回竄匪衆迎頭截擊毋令闌入晉疆再由潼關一路相機進勦如探明陝省賊勢不甚喫重或先酌派兵數千交雷正綰管帶星速赴陝相機策應該將軍即可親督大隊駐紮北路適中之地以防皖豫捻匪被勦北竄應於何處駐紮爲宜該將軍可與官文鄭元善籌商定見山陽踞匪亟宜速殲著孔廣順督率所部會同徐榮柱援兵合力兜勦如兵力尙嫌單薄瑛棨等當察看情形即咨調雷正綰一軍馳

赴山陽會師進擊馬德昭已由蘭州折回涇州著托明阿迅催該  
提督前赴漢中會同毛震壽督兵分勦陝省兵將漸集該將軍巡  
撫等務當激勵軍士督率鄉團將各處匪徒悉數殄滅方為不負

委任

按是時秦中回患已深而口寇肆擾漢中軍情日急乃中樞  
僥倖於潼圍之解轉飭多隆阿擇中駐紮從緩赴援乃未幾

而回匪直犯省垣藍逆日回順匪擾西鄉洋縣漢中與安勢皆岌岌  
設多軍彼時能早到逆日回順匪擾西鄉洋縣漢中與安勢皆岌岌

何至異日為勝人所坐誤哉語云兵貴拙速不貴巧遲當  
時樞府知兵乏人勝則驟喜敗則驟憂此又貽誤之者 是日

諭令見任漢中府知府李定南赴川隨同張亮基辦理滇事漢中

防務喫緊著瑛榮遴選妥員前往漢中接辦俟滇事辦竣仍令李

定南回赴本任 癸卯官文奏雷正綰統帶頭隊於正月十五日

由廬郡起行多隆阿即親督後隊繼進撥餉十萬兩由襄陽一路

解往奉諭該大臣等公忠體國不分畛域洵無愧腹心之寄見據

英桂奏稱陝省竄匪已由河南澠池一帶回竄是陝省大股已退

雷正綰入關後勦辦餘匪諒可漸次掃蕩多隆阿一軍由襄樊前進即著探明陝省情形如可無須入關即於北路適中之地扼紮以防捻逆北犯前諭官文等飭令金國琛迅速赴陝即著派員接辦鄖西防務迅催入陝聽候委用整頓營伍以保關陝重地不使賊匪任意往來至多隆阿等軍餉昨據瑛榮奏稱已籌餉迎解北路得此重兵則山陝均免防堵之費英桂豈得膜視著懷遵前旨迅速籌解毋致缺誤 丁未托明阿瑛榮奏收復山陽縣城奉諭山陽踞匪自潼關之賊敗竄勢極窮蹙經副將張維義等督率兵團進勦該匪即時南竄當將山陽縣城收復仍著瑛榮督飭在事員弁將餘匪殲除並予殉難知縣恆春等祭葬世職建祠

平定口  
匪紀略

逆匪由陝西之華陰縣竄至潼關經漢中鎮哈軍開潼商道將賊  
陶督率兵勇固守逆衆直撲西門勢甚猖獗官軍環攻三路晝夜  
多名其竄撲東門外之賊亦轟斃四百餘名逆衆由環小竄向  
往東移動官軍追殺一千餘名逆衆由環小竄向

南關鄉一帶城圍立解其山陽踞匪因潼關之賊收復勢極窮蹙  
副將張維義等督率兵團勦逐之當將山陽縣城收復  
奏紀略述潼關之禦賊攷事較  
是日諭多隆阿奏報起程日期並分起

派兵入陝情形此時陝省大股匪眾均已回竄雷正綰所部八營  
入關勦辦餘匪無難肅清本日據托明阿奏潼關肅清山陽收復  
餘匪竄赴郿西是何紹彩一軍正可在該處攻勦無需入陝多隆  
阿見赴鄂與官文會商進勦機宜即著迅速進發仍遵前旨相機  
辦理至瑛棨所稱藍薛二逆攻陷太平偏近陝南二逆係由何路  
竄入薛逆係屬何名藍逆是否即藍大順著駱秉章查明具奏見  
在援陝之兵調赴陝東防勦豫捻及本地回匪陝南兵甚空虛人  
情驚惶毫不足恃著駱秉章迅撥勁旅將太平縣城收復並杜其  
入陝之路毛震壽前已帶兵赴漢中著催令將漢中布置妥密分  
帶精兵赴省商同瑛棨辦理一切

關隴紀略五月口匪鄧逆竄至城固之元觀官軍擊敗南

鄭南岸縣志陰平一月戰賊鋒已挫震壽忽令收軍致連遁西鄉與藍

匪合股時藍大順已西鄉據洋縣應周蕃壽募周至則奇潰拔

周充勇之目密初禦賊於牟家壩刺計周首肯黃乃偽降而鄧亦異黃遇之合

情試厚之一日不應鄧亟腋刃往入朝猛砍之海中其頭人在側呼痛起捉黃偽世忠

至為潰發死所紀支謂死軍降數十人遇害鄧逆毛軍創陰平獲勝

也事 庚戌托明阿等奏後股川匪由太平竄入漢南急盼援師堵

勦請飭多隆阿何紹彩成明等兵星速來陝奉諭刻下漢中防堵

正在喫緊而渭南等處漢回互相焚掠亟須該將軍統領大兵入

關鎮撫多隆阿已由廬州兼程前進著即迅速馳赴秦中毋以紆

道致稽時日見在川匪鄧逆竄至黃官嶺藍薛二逆擾及太平縣

城復由漁渡關闌入陝省定遠廳境若竟會合鄧逆則勢益披猖

何紹彩等軍急切不能赴陝著托明阿等迅催馬德昭前往漢中

續表兩通志高 卷一百六十九 紀事二 二七

督同鄒學鏞等嚴密截勦迅解定遠之圍毋令該匪竄越漢江蔓延爲患 辛亥諭多隆阿一軍前經調赴陝西勦辦竄匪該將軍已由廬州兼程前進見在川匪竄擾漢南同華一帶漢回仇殺迄未休息必得該將軍統帶大兵入關一行藉資鎮撫著多隆阿仍遵前旨迅催雷正綰等軍星速赴陝該將軍亦即徑赴秦中督兵進勦 六月乙卯瑛棨奏陝省軍情緊要援師次第雲集請簡派大臣總統全軍以歸節制並漢回互鬪焚殺甚慘請就近酌派勝保趕緊來陝奉諭前因陝省軍情喫緊簡派多隆阿督辦陝西軍務諭令該將軍探明道路迅速進行毋庸紆道楚省見在陝南竄匪既未勦除而漢回仇殺情形日甚一日亟須該將軍入關勦辦著多隆阿迅催雷正綰等進行入陝毋得稍事遷延瑛棨請飭勝保赴陝因豫省軍情緊要必須勝保移兵前往多隆阿計日即可

抵陝是以仍令督辦陝省軍務以期事權歸一時平定關隴大股紀略西

鄉竄近漢江直抵洋縣知縣汪濼率兵勇固守莠民乘間開城遂致失守藩司毛震壽所部楊光瀾等川軍進撲賊巢朱啞二逆伏

誅日鄧逆亦因傷而亡洋縣志六月朔 戊午都興阿奏淮南地勢

極寬收復匪易若陝西情形稍鬆擬請暫留多隆阿幫同曾國藩

督辦江皖軍務奉諭官文曾國藩多隆阿妥速相機會商具奏

庚申托明阿等奏川匪竄入陝南官軍收復定遠而西鄉失陷奉

諭毛震壽已抵漢中即著飭令將漢南一股迅圖撲滅並將西鄉

克復俟該處軍務辦竣再行進省以專責成駐紮子午峪之徐榮

柱一軍瑛榮務須飭令實力防勦其漢江北岸下游各州縣通飭

一體嚴防不可再有疏失西鄉文武下落均著查明分別辦理

壬戌駱秉章奏太平克復賊向陝境逃竄已飛咨瑛榮並知會毛

震壽速由漢中撥兵堵勦奉諭毛震壽所部僅止千餘恐兵力不



數勦辦著駱秉章即飭易佩紳督率所部楚勇得勝之師乘勝追  
勦並著瑛榮飭令毛震壽等軍兩面夾擊收復西鄉盡殲醜類

壬申諭前經疊諭官文多隆阿飭令雷正綰迅速赴秦此時尙無  
到陝消息實屬任意遲緩著官文嚴行飭催多隆阿見在行抵何  
處如已行近陝境即著徑行前進不可爲宛城股匪牽掣 庚申

諭多隆阿一軍疊經諭令官文催令赴陝並催雷正綰帶兵先行  
往援俱無到秦消息是官文多隆阿並未以陝事爲急已可概見  
此時陝西情形萬分喫緊著官文懍遵前旨嚴催多隆阿雷正綰  
速行入陝儻遲遲前進貽誤陝省大局致令不可收拾恐官文多  
隆阿不能當此重咎也 七月甲午瑛榮奏多隆阿自武昌來咨

據稱見飭雷正綰馳抵襄陽暫爲休息再行入陝奉諭多隆阿既  
奉督辦陝西軍務之命自應兼程赴陝乃竟任意遷延又不遵旨

先飭雷正綰帶兵迅速赴援官文亦不遵旨嚴催罔顧大局均先行交部議處 是日托明阿等奏毛震壽勦辦鄧逆一股大獲全勝餘賊僅存數百名與藍逆合股竄入洋縣毛震壽督勦屢勝該逆退守不出我軍膽氣愈壯勦除可望迅速奉諭此次川軍入陝即能將鄧逆殲除足見平日訓練尙屬得力惟洋縣失守情形殊出情理之外見在毛震壽督兵進勦能否迅速殲除瑛榮於漢回互鬪之事已屬一籌莫展豈能望其顧及漢中此軍本係駱秉章派往仍著該督嚴飭各軍迅將藍鄧各匪殲除毋任滋蔓托明阿等另摺奏官軍進勦前股川匪獲勝逆首就戮洋縣百姓開城迎賊商南境內一律肅清等語朱啞二逆業經官軍陣斬鄧逆是否傷斃仍飭毛震壽確切查明至藍逆大股由西鄉竄過漢江直抵洋縣知縣汪淮督率兵勇固守何以百姓私餽金銀開城迎賊是

否民心忽變抑或奸細豫先埋伏勾結內應汪淮平日有無虐民之政著瑛榮即飭毛震壽查明辦理洋縣之賊若再竄往東北與回匪勾結則陝西省垣更形危急鄖西防務既鬆則防鄖之兵應分撥出境迎擊以勦爲防著官文等迅速調派交金國琛統帶赴陝聽候諭旨 予陝西陣亡協領圖克唐阿等祭葬世職建祠並遊擊敬芝蘭等祭葬世職 丙申有衆星西南流如織 戊戌諭

本日有人奏洋縣西鄉據漢江南北水陸之險若令賊匪久踞險要悉爲賊有勦辦益難仍著駱秉章飭令毛震壽專勦陝南賊匪俾令事權畫一以期早日廓清 庚子諭勝保即統領全軍星馳赴陝督辦陝西軍務多隆阿旣阻於賊不能赴陝官文即飭多隆阿一軍由隨棗前赴南陽一帶力籌防勦多隆阿軍旣可無須入陝應於何處駐紮著曾國藩酌量調派速奏雷正綰所部計已由

襄鄖行近陝疆仍著飭令星速入關俾資調遣 丙午彗星見西

北方

按是月壬寅乙巳迭諭勝保督軍陝西並飭多隆阿雷正

失郡或須赴江南會剿之諭中樞調度 八月壬子多隆阿奏兵抵

襄樊飛撥馬步各營前進並督率後隊相繼入秦奉諭已將南陽

西竄之匪勦辦肅清聽候曾國藩調度擇要駐紮雷正綰穆圖善

之軍未知現抵何處著多隆阿官文催令迅速前赴商南迎頭截

勦 甲寅諭雷正綰等軍經多隆阿令其由荆子關西行著嚴飭

該總兵速赴商南一帶將口逆截勦即馳赴秦中殲除回匪其軍

餉由山陝兩省接濟外餘仍由鄂省解濟 癸亥諭多隆阿奏前

隊雷正綰穆圖善等督率馬步各隊日內可以抵省該將軍亦即

繼進准於月之望前可抵陝西省會惟所部兵勇長途跋涉極形

困頓馬匹倒斃甚多等語該將軍既行抵陝西若再令折回更屬

疲於奔命且西安正盼援兵得此一軍可暫紓眉急即著多隆阿分軍繞赴東路由華陰一帶向西進勦應如何分兵商維駐紮防堵之處著該將軍妥籌調派 辛未曾國藩奏多隆阿一軍初克廬州時臣本欲其會攻金陵不料陝西告警官文等奏請多隆阿率師援秦而諭旨亦飭令先保陝西臣雖覺金陵兵單事機可惜然以秦晉爲餉源所出未敢奏調多隆阿西援之師轉而東征也厥後口逆回竄秦事稍鬆而漢回讐殺望援仍切其時甯國已克南岸兵力足敷調遣臣因咨達多隆阿不必回顧蘇皖或速勦陝匪或留駐河南請其定計嗣多隆阿軍抵襄陽由光化荆子關入秦本不至爲南陽之賊所阻南陽賊匪鄂軍會勦解圍亦尙不至爲楚軍之患勝保前次奏報殊非確實致朝廷久經派定援秦之局又復中變多隆阿接奉毋庸入陝之旨不知從何處折回若已

抵秦境則進退兩難若果回鄂疆自當遵旨駐紮南陽一帶食鄂省之餉擊豫省之賊凡有竄入南汝兩府者責成多隆阿攔截痛勦西可屏蔽秦中南可保障楚省北可聯絡鄭元善葉裕之師東可聯絡蔣凝學潁州之師誠爲一舉而數善皆備至於防守廬州之石清吉本係多隆阿部將不須該將軍前往駐守圍攻金陵鮑超已定由東壩前進不須該將軍遽往會勦誠以鄂豫秦三省交滙之區不可無大枝勁旅爲遊擊之師非謂江南不必添兵也奉諭多隆阿援陝之師自廬州拔營後兩月未見官文奏報是以改派勝保督辦陝西軍務嗣以多隆阿有入陝消息復諭令勝保專辦渭北多隆阿專辦渭南見在勝保已抵臨潼多隆阿亦可到西安俟陝境回匪勦平後即著照該大臣所擬令該將軍駐紮南陽一帶俾鄂豫秦三省交會之區得此大枝勁旅於全局甚有裨益

癸酉諭本日據多隆阿奏楚軍回豫勦辦口逆調撥廬營赴楚並瑛榮奏鳳翔被擾請飭勝保多隆阿分辦陝省軍務各摺片覽奏曷勝焦急口捻數萬直撲浙川廳並擾及荆子關一帶石達開餘黨又由四川竄據竹山竹谿等縣口捻大股又欲由荆子關一路先竄鄖陽勾結二竹逆匪進攻興安府城以冀聯漢中之賊多隆阿見因兵力不敷擬調廬郡所留四營會合攻勦惟廬郡相隔遙遠多隆阿自應就見有兵力扼要截擊毋令該逆竄入鄖陽與二竹漢中各股匪合併致滋蔓延雷正綰穆圖善兩軍及義中等營既經多隆阿檄令折回商南荆子關並分馳鄖西進勦著多隆阿即督飭諸軍迅將此路逆匪掃除淨盡所有陝西平利竄匪及武關防堵事宜亦著多隆阿妥爲兼顧雷正綰軍如尙未折回商南即著留於西安爲勝保聲援官文前派何紹彩赴鄖即飭令與

多隆阿兵勇會擊並令金國琛梁作楫所部兵分頭迎擊以防賊蹤竄入多營糧餉軍火即著官文嚴樹森接濟毋缺石達開股匪見在川南敘永一帶何以遽越二千餘里竄至鄖陽著官文駱秉章查明具奏漢中股匪雖經毛震壽勦辦見又有由川續到滇匪郭刀刀一股竄入平利縣境賊多兵少勢難兼顧著駱秉章速行添兵馳赴漢南會勦不可稍分畛域

盤踞阿一軍仍遵前旨以陝全境有勾辦此股匪俾大軍不致有牽掣

之虞並雷正綰專顧商洛相機由廬氏鎮刀一節由川直驅而以

來竄入平利縣境團紳庶吉士邢景周守備陳珏武生朱揚鍾

匪陣亡毛震壽於洋縣勦辦藍逆南鄭縣志七月毛震壽以本營

右路翼長楊先澍署漢中府 己卯命陝西提督雷正綰幫辦欽

差大臣勝保軍務 是日子陝西陣亡團紳邢景周祭葬世職 閏八月甲申多隆阿奏督兵攻克荆子關連日大獲勝仗奉諭此



次多隆阿回軍堵勦口捻各逆以堵入陝之路即能以少擊衆斬馘多名所有出力各員准其保奏又奏逆匪雖經此次痛勦少挫其鋒然其數衆兇悍異常浙川一帶爲秦豫楚三省接壤之區刻下勝保全軍已離豫境臣軍若復離楚一經竄入力難抵禦流毒伊於胡底惟有嚴飭各營將浙川後路打通則湖北餉糈可源源接濟此股撲滅後仍應迅速入秦勦賊 乙酉諭官文奏川匪竄入楚邊旋經擊退逆匪萬餘由大甯及陝西平利縣竄擾竹谿竹山當經該處兵勇擊敗立將城池克復又勝保奏請飭多隆阿專辦陝南軍務 戊子諭勝保奏滇匪郭刀刀一股闌入甄坪廳欲由紫陽石泉連結洋縣之賊已飛飭毛震壽調兵往勦惟該藩司兵力未厚恐其不敷分布何紹彩能否出境助勦並著官文等查明迅速具奏

定遠廳志同治元年五月初五日四川賊藍大順同其弟二順擁衆數萬陷太平尋由秋坡梁犯境

秋廳	坡城	梁不	得守	賊時	承平	飛日	報久	廳民	官集	不團	知兵	堵賊	初猝	賊至	無犯	界汝	貢生	王汝	練翼	居近
驅稍	入却	連尋	社偵	祖知	虛實	石藍	各逆	寨揮	幸衆	鄰直	撲團	施勇	槍以	衆寡	不敵	生各	初散	六賊	日大	掠隊
生漁	擒渡	一壩	賊初	剖七	日攻	之洋	初圈	岩岩	竄團	山勇	沙馬	坡文	江蒲	白岩	仲李	長春	等星	程衆	敬截	民擊
家督	寨團	遂勇	陷擊	走旋	城圍	戕攻	團確	勇洞	守熊	城作	兵貴	唐益	春以	先礮	擊退	其初	廳十	日掠	李擊	
里司	或獄	二等	百署	皆延	外燒	征過	半駐	及防	各防	雖有	官營	分分	赴各	鄉訊	皆遠	團在	百十	數一		
間二	道等	竄日	西始	鄉調	出集	掠各	盤鄉	屋團	又圖	九進	月取	初賊	九開	日宵	藍逆	遂收	復黨	曹廳	培城	世賊
生千	王衆	汝犯	翼秋	率坡	練梁	丁廳	赴南	秋戒	坡嚴	梁漁	截渡	擊壩	賊巡	敗檢	退畢	越聯	日輔	天同	甫經	明制
以撲	槍團	礮勇	連度	環力	不支	斃奔	潰避	十木	名埡	賊溝	遁賊	至乘	間過	子由	小路	趨人	和寨	練		
被羅	仁學	練等	據領	力團	扼攔	賊截	勢遂	窮竄	漁乃	渡壩	暗索	清壘	岡河	長山	嶺分	水嶺	等處	皆		
楮鹿	子壩	口市	貢生	狂程	敬出	石民	泉伏	未團	幾腰	受擊	創賊	於敗	商遁	州連	一夜	帶奔	悉越	星子	山由	中
故也	曹同	逆知	汪兆	伺志	有前	斯土	其之	在鑒	事教	民舉	力程	行團	練兼	等法	堅壁	清野				

子駱秉章奏滇匪分竄陝境派兵追勦奉諭四川鶴遊坪踞逆分

戊

續來河通志高 卷一百六十一 紀事三 三三三

股下竄大寧縣城口廳等處節經兵團截殺僅餘千人竄往陝西

平利縣境此股逆匪前據官文奏報由平利竄陷湖北之竹山竹

谿復回竄陝境之平利關等處並本日勝保奏平利郭逆回竄闌

入甄坪廳境有圖勾結洋縣賊匪之信是該逆遊魂無定雖疊經

懲創而所過攻城陷邑勢頗鳴張萬一與洋縣股匪勾結尤恐滋

蔓難圖駱秉章見已派知縣易佩紳帶楚勇二千一百名馳往援

勦著即飭令該員與楚省何紹彩之軍聯絡聲勢觀賊所向實力

夾擊並即札知陝西藩司毛震壽撥兵迎截務將此股逆匪悉數

殲除毋任再行分竄

背時一號沛時竄入黑水峪口把總署守備事張得祿率鄉團與賊戰敗績二年二月初八日曹背時由黑水峪移營西竄經過邑

西小麥屯殺村中士民男女九十餘人焚燒房屋三年二月蕭統領

入山生擒姑附按蓋志載郭曹二逆資參證 辛卯多隆阿奏據探

擒首姜台凌大股約有三萬餘人直犯商南臣僅帶親兵七十餘人萬難力禦因飛調浙川親兵等四營前來援應八月二十六日黎明該逆果率大隊直薄城下臣示以鎮靜除分門埋伏外親督百餘人大開東門一擁衝出伏兵齊應遙爲吶喊逆衆不知我兵多寡倉皇失措自相踐踏死者無數我兵乘其披靡截殺賊匪數百名生擒四名餘逆逃竄山後盤踞時已四更收隊回城至五鼓時賊復由城東隄埂之下開挖地道經城上知覺未能轟發次日黎明臣親率馬步出城誘戰該逆分兩股包鈔我軍之後正在相持間適總兵朱希廣等由間道兼程趕到於距城十二里之穆家河遇賊開仗殺斃甚多二十八日四營奮力衝擊往返數百合縱橫截殺約斃二千餘賊奪獲馬匹器械等件無算該逆即於二十九日乘夜向西竄去城圍立解臣思擒逆猖獗異常必當勦洗淨

盡飛檄溫德勒克西所部馬隊迎頭截擊見在武關一帶力擊獲勝未使竄越復親督王萬年等三營跟蹤追殺兩路夾攻以期聚而殲旃見在口捻巨股雖退出荆子關由浙川一路竄走惟又有捻匪數股竄至雙祿山距荆子關六十里臣聞信之下即飭朱希廣等四營仍赴浙川一帶隨穆圖善相機防勦並飛咨穆圖善確切探明撤兵回駐荆子關斷不能使逆股復據此處致我軍反成尾追之勢奉諭捻首姜台凌率領大股直犯商南多隆阿以少擊衆設伏用奇使大股逆捻痛受懲創足見膽識過人深堪嘉尙第各路巨匪同時並舉該將軍兵分力單深恐應接不暇著官文速飭道員梁作楫金國琛馳赴浙川一帶策應俾穆圖善得以回顧荆子關不至爲逆匪所據商南爲陝西衝要時有匪徒窺伺勝保責無旁貸並著隨時力籌防禦俾口捻各匪不至闌入陝境方爲

妥善 丙申勝保奏武關等處口捻等匪分竄情形奉諭見在口  
 捻各匪同時西竄窺伺武關西同鳳三府回匪未平設令口捻各  
 匪闌入關內則內外交訐勦辦更形棘手著多隆阿督率所部迅  
 將商州商南一帶屯聚賊匪痛加勦洗並令溫德勒克西等嚴扼  
 武關毋令賊蹤竄入見在各股巨匪竄聚秦豫交界多隆阿務宜  
 督飭所部相機勦辦妥行籌度毋或顧此失彼方為妥善郭刀刀  
 股匪攻陷磚坪廳前經諭飭毛震壽等實力堵禦毋任得與洋縣  
 之賊勾結仍著遵前旨催率兵團嚴密堵截陝省勦回正當喫緊  
 其後路口捻尤須豫籌毋令續行入陝勾結該大臣仍應隨時偵  
 備與多隆阿等聯絡策應勿稍疏虞

郭磚坪廳志同治元年七月

渡河入平利八仙街等處尋圍縣城八月十日乃解竄入廳境之  
 蘭河十六日復犯廳城通判穆克登布都司李仕魁把總林茂均  
 遇害頃之城後天元寨亦破越日復破保安寨十八日始由平溪  
 小鎮明珠壩吊陽關入紫陽雖計日無多而諸民鮮不被掠者

續陝西通志高 卷一百六十九 紀事三 三三

是年冬二月復由楚入陝正月他烏又由十萬眾西圍郡城東圍  
平利十口郡城陷二年正月他烏又由十萬眾西圍郡城東圍  
周賊河至無所得入城時距郭日仍循郭逆故道竄紫陽境按備甚  
志語所云舉前逆後之擾廳城兩次被陷茲因諭旨有郭匪在八月十  
八諭旨所事也正

戊戌多隆阿奏捻逆前隊直抵武關總兵陶茂林

及溫德勒克西馬隊在彼力遏臣督總兵王萬年等排隊誘戰牽  
制賊勢以鬆武關之力在離城十五里之捉馬溝傳令各營候賊  
撲近以排槍擊之穆圖善帶隊行至捉馬溝小口排隊而入開放  
槍礮一擁直上殺聲震天逆眾大亂東奔西突自捉馬溝起至武  
關止綿亘五十餘里仍有四五萬眾其勢洶洶當派趙旣發等奮  
勇追擊臣親督總兵余福象居中策應斬擒甚夥各軍衝賊中隊  
臣與穆圖善等督率親兵搶上山梁賊始驚惶隊亂旗靡我兵乘  
勢衝殺敗匪勢如山倒我軍占住高岡初六日乘勝出隊該逆將

器械盡棄各營且殺且進武關全軍亦來前後夾擊殺賊甚夥初  
七日追至三角池及賊尾隊痛加勦戮初八日直抵西平將賊之  
全隊截住縱橫迎殺伏屍四十餘里血流成渠竟將醜類盡殲惟  
此間山嶺重疊易於藏奸當經飛檄副都統金順等馬隊由荆子  
關馳赴西平沿途搜捕奉諭多隆阿調度有方旬日間即將巨寇  
姜台凌全數勦除殊堪嘉尚並優予賞賚仍諭以回匪蔓延陝省  
能否分兵入關助勦俟翦滅陳得才後方能統率全軍馳赴渭  
河以南勦辦回匪務令權衡緩急妥爲辦理 九月己未勝保奏  
川匪窺犯省垣督軍迎勦大獲勝仗敗賊遠竄奉諭川匪郭刀刀  
等由甯陝等處竄至子午谷圖犯省垣經勝保督軍迎勦於三日  
之內兩獲大捷斬馘萬餘勦辦尙合機宜此股賊匪見在竄向何  
處仍著該大臣嚴飭王佐臣等軍跟蹤追擊務期一鼓殲除毋留



餘孽 是日朝廷由六百里加緊密諭多隆阿星速入關並諭何  
日由荆子關入陝何日可抵西安即行豫計由六百里加緊馳奏  
候旨遵行同州等處回匪情形並川匪圖撲省垣各情見在如何  
辦理並令隨時具奏又諭川匪膽敢圖犯陝西省垣雖經勝保擊  
退該匪回竄後仍恐沿途裹脅紛竄陝南一帶况洋縣尙爲賊踞  
逆氛仍熾尤慮勾結貽患著駱秉章仍遵前旨飭令派出各軍實  
力夾擊迅速殲除毋令蔓延 丙寅諭勝保奏派兵追勦敗竄川  
匪獲勝一摺川匪西竄經勝保調派副將王佐臣督率由鄆縣澇  
峪等處跟蹤追擊該匪竄踞民寨官軍分路攻勦該匪鋌險奔逃  
營總訥恩德善等沿途兜擊先後斃賊數千名剿辦正在得手而  
勝保因涇陽鳳翔被圍輒令王佐臣移得勝之兵馳往勦辦深恐  
餘賊未能殲盡其勢必將復熾毛震壽攻勦洋縣匪徒正當喫緊

恐難分兵截勦仍著勝保嚴飭該副將盡力追擊務將逃竄賊匪

悉數殲除 是日子陝西陣亡遊擊恭勒額祭葬世職入祀昭忠

祠 平定關隴紀略八月十四日勝保親赴咸陽督勦回匪二十日

因股竄入甯陝之火地嶺壽一軍官祇能專顧漢中洋縣勢難抽撥及

勦調何紹彩刀一軍月初六日在盤屋屬之黑水峪帶馬步各隊進

日幾過河追至瀟瀟家窮地殘適差匪整屋河西己革副將施鵬督同武

該舉逆晝夜奔竄王佐昌廩清華嶺祁家寨等處沿途斬殺初九日勦

散至岐山寶雞鳳鎮山復中當即飛斬川督並飭毛震壽分兵截勦而

夜馳回咸陽星 壬申諭多隆阿速即懷遵諭旨星馳前往先據

秦晉豫三省要口相機進取毋得視同尋常軍務稍涉遷延 十

月庚辰諭駱秉章郭刀刀一股前據勝保奏餘匪不過千餘人竄

入寶雞鳳縣山中恐復竄回川境或與洋縣踞匪合併著即責成

易佩紳一軍盡力搜勦母任再有勾結其洋縣踞匪是否尙須分

兵助攻並著酌度辦理鳳縣志九月總劉玉鄰經制張大益門賊

前錄於王家臺斬其偽先行十奪六日賊來東關挖地洞攻城選賊多

北勇追暗挖擊破之賊有十餘丈知逆縣郭建本調城外團勇攻擊撥壯

下丁斃賊多繼名一分二日內至瀕危穴五六次擊城上槍礮及磚石得

均以先行堅壁清野之故是夜賊從城下西去八日裹脅餘衆十二起

破入略蜀境復 乙未護理陝甘總督恩麟奏川匪闖入兩當縣已

飭瑋武帶兵進勦奉諭此股川匪係何頭目何以毛震壽任令西

竄是否勦辦不能得力該護督如有聞見並著查明奏聞 甲辰

諭駱秉章奏官軍攻勦周曹兩逆疊獲大勝滇匪曹燦章一股於

大竹開縣太平等縣地方疊被官軍擊敗惟餘匪雖已無幾而見

由秋波亡命老林尙有千餘之衆該處近接陝南山深箐密若令

喘息稍蘇恐致死灰復燃著駱秉章嚴飭道員張由庚分兵入山搜勦務期乘勢淨絕根株並飛飭毛震壽就近督飭漢南一帶與川省接壤之地方文武嚴防要隘毋令餘賊乘間竄逸本日復據瑛榮奏稱郭逆一股已擾及寶雞一帶川匪又已由太平竄入定遠石泉欲與藍逆會合漢南情形萬分喫緊等語陝南地方毛震壽所部以兵勇數千勦辦藍逆股匪斷無餘力他顧陝回正肆鴟張勝保等軍更復不能遠及川匪既由太平竄入陝境即著駱秉章督飭雲陽開縣各軍跟蹤實力追勦並分撥楚軍馳赴陝境與前此派往易佩紳一軍會同陝省兵勇併力兜勦將曹郭等逆迅速翦除即藍逆亦可早圖殄滅川省李短搭搭一股已滅周曹均屬敗殘之寇如能以次廓清地方即可漸期綏謐陝南羣匪肆逞必得川省勁旅分軍越勦駱秉章素顧大局自不肯稍存以鄰爲

壑之心以驅賊出境爲了事也 十一月庚戌諭議政王軍機大臣等近聞毛震壽勦辦洋縣等處賊匪甚不得力川勇與賊接仗往往開放空槍且姦淫擄掠無所不爲毛震壽不但約束不嚴有以此等情事告知者該藩司一意袒護不肯查辦毛震壽圍洋縣數月之久毫無成效可見所部勇丁暗與賊通之說不爲無因漢中距川不遠駱秉章見聞可及即著確切查明如毛震壽所帶川勇實有通賊情事即將該勇撤回另派得力兵勇前往接替儻毛震壽因循玩誤即著據實嚴叅治罪毛震壽如係應撤則洋縣等處全軍交易佩紳統領抑可交新保之藩司統帶均著酌度具奏

戊午諭勝保奏漢南官兵勦賊獲捷及分兵防範川匪等語藍逆占據洋縣日久經毛震壽飭令易佩紳與羅亨魁等掩擊獲勝藍逆幾致成擒見復死拒不出曹逆一股竄至石泉之銅車壩滋

擾郭逆殘匪又由徽縣西走橫川是漢南逆匪兇燄未衰徽縣以西即近甘省尤慮勾結爲患前因風聞毛震壽所帶川兵不甚得力曾諭駱秉章確查酌辦是陝南現在兵力不盡可恃川省軍務漸次肅清著即迅派得力將弁統帶勁旅與易佩紳等合力兜勦將徽縣一帶竄匪悉數殲除洋縣城池迅圖攻拔務期陝南地方早日廓清毋得稍存畛域致曹藍二逆及郭刀刀等匪蔓延陝甘各境日久爲患 壬戌上以多隆阿奏後隊已抵陝州即可進紮潼關又諭勝保以欽差大臣督辦陝西軍務抵陝數月所報勝仗多係捏飾且納賄漁色之案被人糾參不一而足實屬不知自愛有負委任著即行革職交多隆阿拏問派員迅速押解來京議罪多隆阿著即授爲欽差大臣接領關防任事 丙寅瑛棨奏佛坪廳被陷旋復畧陽縣城失守並請留總兵慶瑞馳援鳳翔奉諭佛

坪廳城雖已克復而賊蹤東竄仍向洋縣奔逃郭逆又由兩當徽縣竄陷畧陽是漢南賊燄復張必須迅速勦除方不至蔓延勾結多隆阿督辦全陝軍務責無旁貸即著相機撥兵會合楚軍迅圖撲滅總兵慶瑞請假赴陝該員於軍務一切是否諳悉至副將盧又熊前曾有縱勇擾民冒功放恣情弊此次由川來陝是否駱秉章所派抑係另有別情瑛棨派令該員等馳救鳳翔能否得力著一併查明據實覆奏

日平定關隴紀略逆竄踞洋縣九月二日陝西藩司毛震壽飭陳天柱易紳十隊

進勦二十日冒霧潛之上牛頭山捷楚至東城及署洋縣知縣未果

敬修縣丞陳爾菲等團勇奮千計拔捷藍逆馬擒之及斬紅衣黃巾賊目多名賊黨死者千餘名

守不官軍力太單未圍攻川匪曹燦章由西鄉五里壩

股由縣西原泰川毛震壽派兵追擊匪衆帶勇犯法未滅鄭

正法赴漢中投効四毛帥因餉絀不復請開釋道至是招集未允數

千人命後為川成都將軍福濟奏請開釋道至是招集未允數

令蕃壽有朝可親授意紳民武弁非不在朝廷洞鑿中無如口匪  
石達開犯川而陝西省回匪四起皆  
不暇兼顧漢中所以終於糜爛也  
是日子陝西陣亡磚坪廳

通判穆克登布祭葬世職 辛未官文嚴樹森奏口逆偽扶王偽

齊王偽啟王糾合大股口捻擾及楚疆經我軍擊敗回豫因豫省  
未經派兵夾擊以致沿途裹脅復由桐唐新鄧一帶繞至浙川闌  
入楚境十月初九日圍撲鄖陽府城署總兵訥欽署知府艾浚美  
登陴固守知府周有全管帶礮船溯流而至十八日訥欽等督兵  
出城會合水師夾攻該逆敗退我軍乘勝追至河邊賊衆向西奔  
竄十九日大股陸續偷渡襄河二十日遂由均州分竄竹山房縣  
境內襄荆完善之區俱爲震動臣等飭道員梁作楫等探賊所向  
相機進勦務使尅期掃蕩以全腹地而固邊圉奉諭該逆見旣闌  
入房竹不但荆門宜昌各屬路俱可通即陝省之興安府境亦慮



竄越著即嚴飭派出之文武員弁越境追勦就地殲除勿徒以逐出本境爲了事惟該匪被勦窮促勢必分股竄突秦豫邊境與鄂省毗連處所不可不豫作準備並著多隆阿瑛棨張之萬各就該省情形選派得力將弁擇要堵遏毋使闖入陝豫境內與別股勾連又成不了之局 癸酉予陝西陣亡遊擊鄒朝元等祭葬世職

丙子諭護陝西總督恩麟郭逆自白馬關竄入陝西畧陽縣見於通漢中要隘派賊把守恐其四出滋擾著即飭令琫武等撥兵扼要防範勿稍疏懈又諭漢南軍務緊要曹燦章一股前已竄至石泉郭逆竄陷兩當直撲徽縣見復回竄畧陽陝省兵力不敷前經諭令駱秉章派兵兜勦著該督仍遵前旨力籌兼顧以靖鄰疆 十二月辛卯瑛棨奏曰逆陳得才等股匪已由竹山一帶紮營百餘里直抵陝西平利縣勢甚猖獗當飭毛震壽竭力抽撥兵勇

前往堵禦奉諭該省腹地回匪未靖豈可又添外患毛震壽所部  
兵勇本不甚多且攻勦洋縣踞匪日久未克豈能更有餘力兼顧  
平利前據官文等奏調派梁作楫楊朝林唐協和歐陽正埔等軍  
前往房竹一帶相機勦辦該匪見已竄徧陝境著即嚴飭梁作楫  
等迅撥勁旅馳往平利邊界遏賊西竄興漢之路務將此股口逆  
就地殲除官文等素顧大局諒不至驅賊出境貽患鄰封蹈鄭元  
善覆轍也又諭郭逆由陝竄入廣元若令仍回陝省必致攻勦費  
手著駱秉章飭令在事將弁務將郭逆在川殲除截其入陝之路  
前諭該督查參毛震壽貽誤各情並酌保陝西藩司候旨簡用該  
督素能留意人材即著迅速覆奏

平定關隴紀略元年十二月多  
隆阿奏請催穆騰阿速赴新任

漢中一帶逆匪則飛咨川督撥兵助剿而飭毛震壽  
妥爲籌辦如果甘省稍鬆即令馬德昭前往漢中

丁酉諭官

文奏陳逆由二竹竄擾平利見在勦辦情形據稱該逆竄入陝西

之平利其後隊梁逆等尙在竹谿請飭四川由太寧派兵陝西由興安派兵三面夾擊各等語此股皖匪本係陳玉成餘黨因無巢可歸游弋於楚豫之交將來與石逆相似必爲川陝楚三省邊防之患不可不迅圖勦除前因瑛榮奏聞曾諭官文嚴飭梁作楫等就地殲除見在梁作楫等是否趕到賊衆究趨何處毛震壽所派之兵已否前往著瑛榮迅催該藩司調撥赴勦多隆阿勦辦回匪正當得手若任此股闌入興安必致於勦回事宜轉多掣肘著該大臣添派勁旅迅速馳擊並著駱秉章酌撥數營與楚陝之軍三面夾擊永除後患見在川陝兩省逆氛頗熾官文等斷不可盡委之鄰省致令賊勢蔓延務飭梁作楫等越境追勦且設法繞出賊前迎擊期於盡殲不令旁竄 庚子駱秉章奏逆匪郭刀刀回竄川境調兵截勦連獲大勝八月十四日追及於巴州之鼎山鋪周

達武督率親兵由中路直攻陣斬三百餘名立將逆首郭刀刀即郭幅潰及其弟郭幅友搜獲檻解來省凌遲處死臣以川北甫就肅清而陝西洋縣各營尙未得手正籌撥兵援應適接綏定府警報曰逆僞扶王銳王曾王齊王等擁馬步數萬已由湖北鄖陽竹谿竄至陝西平利逼近川界臣度其由豫入楚入陝必係遙聞石逆現踞蜀境遂冀入川合夥伏查夔郡之大足綏定之城口太平以及保甯之通江廣元上下二千餘里皆與楚之鄖西陝之漢南在在毗連此即從前三省教匪往來熟道山徑叢雜路出如梭不惟洋縣之賊回竄可虞而口逆之來其鋒甚銳現在重兵皆在敍南攻勦石逆正在喫緊萬難抽撥而北僅護軍嚮導武字三營合計勇數不滿六千實覺不敷分布臣先其所急已飛飭護軍嚮導兩營馳赴城口太平扼要堵禦並檄武字營駐紮定保甯兩府適

中之地以備雕勦而資策應惟兵以分而見單餉復積而日絀臣雖心身俱瘁惟有竭力圖維冀得早清本境庶可兼顧鄰疆以仰慰朝廷垂廕西南之至意瑛棨又奏據興安府知府林映棠稟稱十月十九日至二十一等日口逆竄至興安據盤獲奸細供稱偽齊王見踞竹谿偽曾王偽東王在平利安康一帶來犯郡城係偽扶王共有十餘萬人人心慌懼請撥兵救援當咨多隆阿迅撥勁兵前往勦辦惟見值多隆阿勝保新舊交替之際諸務紛繁恐一時未能策應臣一面飛咨四川兩湖督臣撥兵會勦一面嚴飭各該地方文武妥爲布置將隘口全行堵截扼賊旁竄之路俟援師到後再行痛殄逆氛奉諭瑛棨奏興安被圍及毛震壽兵勇潰敗飭令盧又熊等分路搜勦獲勝並解漢中之圍等語據稱曹逆一股竄踞興安府之恆口趨撲府城先後擊退鎮府兩城兵勇單薄

情形正屬可虞又毛震壽所部各營爲洋縣之賊潛出撲襲毛震壽收集散亡飭令陳天柱盧又熊易佩紳等分路搜勦疊有斬擒盧又熊之軍並將竄撲漢中之賊擊走立解城圍此股口逆本陳玉城餘黨見竄川陝楚三省毗連之地山徑叢雜偏近老林從前川楚教匪卽於此處肆擾有年此時若不迅速剷除一經蔓延勦辦必更棘手駱秉章旣已派兵由太平城口一路進勦仍著該督添派勁旅越境殲除毋令賊得入山踞險及與洋縣之賊勾結或乘間入川串合石逆匪黨是爲至要漢中軍務毛震壽督辦日久無功此時賊燄更張毛震壽所部遊擊王其發等營盤爲賊所襲是否確實著駱秉章多隆阿均遵前旨速將飭查毛震壽各款查明據實覆奏如果不能得力卽由多隆阿遴委大員前往接替將毛震壽撤參陝省軍務喫緊多隆阿與雷正綰之軍分路進勦陝

南亦須兼顧該將軍一人籌辦必期萬全若能參贊有人更可相資爲理著官文再行選擇明穩幹練諳習戎機能與多隆阿相爲一氣之人派往多隆阿軍營參贊陝西軍務盧又熊曾有縱勇擾民冒功放恣情弊此次瑛棨稱該員力解漢中之圍仍著駱秉章遵奉前旨將飭查盧又熊各情迅即覆奏 壬寅諭見在平利股匪甚爲猖獗馬德昭著即由平利進勦俟此股擊退陝南無虞再赴甘省瑛棨奏漢南勦賊獲勝旣稱殺賊無數生擒至一千七百名之多見在賊匪究竄何處該撫於此等緊要之處全不留心暨如何攻勦亦無一語提及不知所司何事著即查明速奏 丁未瑛棨奏口逆聚攻興安府鎮兩城曹逆竄入甯陝廳境逼近省垣奉諭陝省回匪兇燄未戢若又口捻各匪竄入腹地省垣兵力無多設有疏虞大局何堪設想多隆阿進攻王閣村回巢一時尙難

得手自應先其所急或親率將領馳赴子午峪一帶截擊曹逆馳  
解興安之圍或酌調得力兵勇由藍田前進交馬德昭統帶堵截  
曹逆由甯陝竄走子午峪之路均由該將軍斟酌辦理前因口逆  
竄徧平利節經諭令官文飭梁作楫越境截勦何以該逆圍撲興  
安該道員並未派一旅之師前去援應著即嚴飭梁作楫等督率  
楚師繞出賊前遏其北竄一面會合興安兵勇力解城圍川省南  
北兩路肅清兵力有餘著駱秉章速派知兵大員移得勝之師馳  
赴漢中一帶將曹逆股匪剋日殄除毋許遲誤當此賊氛甚熾漢  
南軍情倍形喫重仍著多隆阿嚴密訪查如毛震壽委實不能得  
力即派員接統其衆一面將該藩司撤任查辦毋稍姑容

按多隆阿有請

緩撤毛震壽之奏  
故諭旨中及之

編纂吳廷錫